



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XV.

urn:nbn:de:hbz:466:1-11453

citer se, vt dixere, defensitabant, quodd illis periculum
vita in ea esse captiuitate non formidarent. Inerant ali-
quot Franci, iam ab illis in suis nauibus capti: Vna per-
ducuntur in urbem captiui: Seponuntur tamen Franci,
quodd iam capti, ab alijs tenerentur. Septuagintaqua-
tuor erant, quorum de capitis periculo certaretur: Im-
petiti in iudicio, quodd publica nauigationis inimici, in-
cursarent omnes praetereuntes: Illi impendio suos nomi-
nant in iudicio dominos, quorum iussu bella hostibus in-
tulissent, ceteris abstinuissent. Studio quassitum, vt in-
ueniretur, quodd illis obijceretur: Nō erat qui accusaret.
Ab lōginqua vrbe pducitur nauita, qui sibi ademptum,
nescio quid, quodd ibi reperiebatur, quereretur: Vas erat
non magnum, ferreis clauis plenū, vilis precij, cuius pre-
textu tot capita damnarentur. Miserum spectaculum,
plectuntur omnes gladio. Mens erat, terrorem grassan-
tibus per mare iniicere, vt illud sinerent pacatum. Sed
nulla auocant supplicia mortales ab excessibus, quodd
impunitatem sibi quisque promittit, latere sperans inter
multorum facinora.

CAPVT XV.

Rex Romanorum, iam diu viduus toro, de nouis
nuptijs cogitauit. Iam permisit filio ditiones aui-
tas, in patriam regionem demigras: vbi illi pater & pa-
trius dedere terras, vnde regium impleret statum. Si-
gismundus Austriae dux, quē ille pro atate & amore pa-
trem vocitabat, comitatū Tirolis illi permisit, inuitans,
vt secum in vrbe Insprug cōmoraretur: opulentissimam
profecto regionem, quā aliquot centena millia auro-
rum praestaret gubernanti, ex sale & argento, quā ibi
abundant: quorum ibi fontes & minerae sunt non pau-
cae. Conuenerat cum Francisco duce, vt vnicā eius filiam
cum

cum dote acciperet opulenta : Nam ducatus ille dos erat
 unica proli. Misit rex solennes ad contrahendum absens
 de presenti matrimonium oratores, sufficienti mandato
 suffultos. Interim Franciscus dux in fata concessit. Bella
 non defuere ab rege Franciæ, qui latissimum illum du-
 catum, suæ ditioni iam vacuatum arbitraretur, quodd
 feudum esset ab corona. Proceres resagantur, & mori-
 entis sui ducis mandata impleuere, Romanorum regi
 Maximiliano seruantes prouinciam cum herili puella.
 Non desistit Gallus oppugnare prouinciam ; Habebat, vt
 fit, in latissima regione qui illi studerent : Sed maior
 pars procerum pro Maximiliano stabat. Venere interim
 Romanorum regis oratores, & puellam regi suo depor-
 tandam deposcunt, prouinciam committentes guber-
 nandam, quibus eam dux moriens permisit, donèc veni-
 ens rex ipse cuncta propius inspiciens ordinet : Incolume
 iter ab rege Francorum cum puella, & securitatem pu-
 blicam deposcerunt : Non negatur. Igitur rebus in pro-
 uincia constitutis ex sententia, cum puella & honesto co-
 mitatu iter per Franciam inuadunt, freti præstita secu-
 ritate. Iam peruenere in locum qui Franciæ regi ad in-
 stitutum suum visus est idoneus. Aderat rex ipse cum ali-
 quot ex regno proceribus : Puellam sibi sisti iubet : di-
 gnanter venientem honorat. Tum sciscitatur ex Brito-
 nibus, qui è prouincia illam deduxerant, si omnia legiti-
 ma, quæ ad desponsationem puellæ pertinerent, ex perso-
 na Rom. regis essent impleta. Illi respondēt, de volunta-
 te mortui ducis parentis illius esse addictam Rom. regi,
 cetera se ignorare : ad hoc se exisse, vt sponsam regi
 sponso deducant. Tum rex communicato cum suis consi-
 lio, iubet responderi missis à rege Rom. Ire liceat quod ve-
 lint : puellam nulli nuptam, nec per verba de presenti

N n n s cuiquam

cuiquam deuinctam, suo toro esse asseruatā. Ibi, volentem nolentē, incertum, puellam dominabus de suo regno permittit, vt inclinēt ad regis assensum, & mox toro suo impositā habuit pro coniuge, omnibus de more impletis. Tum remittendam Romanorum regi filiam, sapē & multum repetitam, decernitur. In vno facto geminum committitur piaculum: propriam sponsam tam diu in primis affectibus habitam, ita etiam, vt in nonnullis literis nomen puellae suo coniunxerit, contemnens ac reijciens, & quam non debuit, inuadens, iniurius fuit in socerum, cui & sponsam ademerat, & in eiusdem filiam, cui torum diu promissum abstraxerit.

CAPVT XVI.

VNum, & idipsum tenue, ex iuris superficie quasiere adminiculum, qui regis Francie factum tuentur: Scripturas scrutantur, quod procuratores ad contrahendum matrimonium missi, mandatum habuerint, non pro se quisq; insolidum, sed omnes coniunctim, cum sit matrimonium opus personale, nec cadat vnum in plures. Magnis regibus non in scelus deputatur, quod minoribus in piaculum: Verumq; inuenitur, quod Graecus Anaxerses fertur dixisse: Leges humanas telis aranearum esse persimiles, in quibus haerent muscae, ac culices, crabrones impunē rumpūt peruolantes. Abiēre tristes Romanorum regis oratores, quae acciderāt, regi suo relaturi. Puella interim regina Francie ab omnibus habetur: Margareta fratri redditur in Flandriam. Nō magnoperē fuisse cordi Romanorum regi has nuptias, vel inde perpenditur, quod nunquā visus sit tantam iniuriam vel minimo vindicasse: Deinde alijs etiam colligitur cōiecturis: Nam cum ad regē sui redissent oratores, relationem facientes de his quae acciderant, eo die quo rela-